

Uvod:

Korupcija i njeni uticaji su globalni problemi. Od malih iznosa mita datih policajcima u Bangladešu do čuvanja ukradene imovine od strane banaka, uticaji tih zloupotreba na države i građane su isti: podriivanje vladavine prava, povreda prava, netransparentne institucije, gubljenje javnih resursa i slabljenje nacionalnog integriteta.

Za učinkovito rješavanje tih problema, borba protiv korupcije treba biti koordinisana i promišljena akcija od strane međunarodnih, nacionalnih i lokalnih partnera koji koriste isti jezik i slažu se u pitanju njenog značenja.

Kao odgovor, TI je razvio prvi "Pojmovni vodič za borbu protiv korupcije". Vodič nudi skup standardizovanih, lako razumljivih definicija, pružajući čitaocima konkretne primjere iz prakse o tome kako TI pristupa tim pitanjima. Relevantni linkovi za detaljnije informacije ili daljnje istraživanje su takođe predviđeni.

Cilj vodiča je pojasniti pojmove koje pokret borbe protiv korupcije najviše koristi u svom svakodnevnom radu, kao i one povezane s novim ili mogućim problemima. Pojmovi u ovom vodiču su odabrani s obzirom na njihovu široku primjenu u različitim forumima, te unutar javnog i privatnog sektora. Svaki termin je namijenjen za podsticanje dijaloga - unutar akademske i poslovne zajednice, između vlada i parlamenata, od strane nevladinih organizacija i medija, te u međunarodnim krugovima - o tome kako se odnositi prema korupciji.

Iskustva TI ogranaka u preko 90 zemalja, čine osnovu ovog vodiča, odabranih pojmova i korištenih definicija. Vodič je rezultat zajedničkih napora brojnih Transparency International ogranaka u različitim regijama. On je posljedica opsežnih konsultacija koje su održane sa lokalnim ključnim akterima kako bi se osmislio kratak popis pojmova i definicija koje se mogu razumjeti kroz različite kulture, jezike i kontekste.

Mnogi od tih pojmova su u stalnom razvoju, kako pokret za borbu protiv korupcije stremlji ka boljem razumijevanju pojmova, kao što su "upravljanje", "civilno društvo" ili čak "korupcija". Vodič služi kao platforma za nastavak ove rasprave, kako se pokret bude razvijao, rastao i dalje napredovao.

Ovo je živi dokument o kojem će se raspravljati, koji će biti proširivan i ažuriran. Očekujemo Vašu kontinuiranu pomoć u tom procesu.